

89. “ Illa progrediente, progredere, consistente, immotus remane; illa
“ recubante, conside, atque quando aquam biberit, tu quoque bibe.

90. “ Atque uxor tua venerabunda, casta, vaccam honoratam mane usque
“ ad sylvam sacram prosequatur, vesperique illi obviam eat.

91. “ Ita illam venerari stude, donec favorem ejus impetraveris. Nullum
“ tibi sit impedimentum! Tanquam pater inter omnes qui filiis gaudent pri-
“ mum teneas locum!”

92. “ Ita esto!” His verbis rex, una cum uxore, pietatis plenus, loci tem-
porisque gnarus, discipulus, corpore inclinato, præceptoris jussum accepit.

93. Deinde, prima noctis parte VASISHTHAS, creatoris filius, veridicus,
sapiens, ad lectum dimisit regem, cujus felicitas orta erat.

94. Sapiens, quamquam per castigationes sibi inflictas amplam habuit
potestatem, tamen cærimoniam sacram respiciens, præcepta noscens, præ-
cepit ei vitam sylvestrem.

95. Rex cum uxore sua casta, ingressus in casam frondeam, a magistro
indicatam, recubans in *kusæ* strato, transegit noctem, cujus finem sapientis
discipuli studiis sacris impenderunt.